



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.երևան, Շոպրոնի 77, Հեռ.

N 91/1016

< 24 > 0 2022թ.

Արսեն Ասատրյանին

Հասցե՝ ք. Երևան, Սունդուկյան 28 շ. 21 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8180060988 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ <<2>> թերթ:

**Պետ,
Ոստիկանության գնդապետ՝**

Ա. Ումրշատյան

Կատ. Հ. Հարությունյան
010-30-42-02

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 09.12.2021թ-ին կայացված թիվ 8180060988 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 21 >> 01 2021թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, վերանայելով Արսեն Ասատրյանի (Ծանուցման հասցե՝ ք. Երևան, Սունդուկյան 28 շ. 21 բն.) (Այսուհետ՝ դիմող) 24.12.2021թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

09.12.2021թ.-ին՝ ժամը 02:50-ի սահմաններում, Երևան քաղաքի Արցախի փողոցում քաղաքացի Արսեն Ասատրյանի վարած «Վազ» մակնիշի 36 XM 680 հաշվառման համարանիշի տրանսպորտային միջոցի վերաբերյալ գործող ԱՊՊԱ պայմանագիր չունենալու փաստը արտացոլվել է ՃՈ Էներգետային ռեգիստրում (իրավական հիմք՝ ՀՀ կառավարության թիվ 1251-Ն որոշում), ինչի հետևանքով ՀՀ ոստիկանության պարեկային ծառայության Երևան քաղաքի գնդի 4-րդ գումարտակի 1-ին վաշտի կրտսեր պարեկ Էդիկ Հայրապետյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն կայացվել է թիվ 8180060988 որոշումը՝ վերջինիս 100.000 ՀՀ դրամի չափով տուգանելու մասին:

24.12.2021թ.-ին Պարեկային ծառայություն ստացված դիմումով Արսեն Ասատրյանը խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 09.12.2021թ. կայացված 8180060988 որոշումը՝ նշելով, որ մեքենան ունեցել է ապահովագրություն և ներկայացրել է «Ռոսգոստրախ-Արմենիա» ԱՓԲԸ-ի հետ 09.12.2021թ-ին կնքած SQ 387555 գործող ԱՊՊԱ պայմանագիրը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 09.12.2021թ. կայացված թիվ 8180060988 որոշումը ենթակա է բեկանման հետևյալ պատճառաբանությամբ.

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման

ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Պարեկային ծառայողի կողմից տրված պարզաբանման համաձայն՝ քաղաքացի Արսեն Ասատրյանի կողմից տրանսպորտային միջոցն առանց գործող ԱՊՊԱ պայմանագիր վարելու փաստը արտացոլվել է ՃՈ Էլեկտրոնային ռեգիստրում, որի արդյունքում էլ կայացվել է 8180060988 որոշումը:

Քաղաքացու դիմումի հիման վրա հարուցված վարչական վարույթի շրջանակում հավաքված փաստերի և ապացույցների հիման վրա պարզվել է, որ 09.12.2021 թվականին՝ ժամը 02:50-ի սահմաններում, դիմողն իր տրանսպորտային միջոցը վարել է ունենալով 08.12.2021թ-ին «Ռուսգոստրախ-Արմենիա» ԱՓԲԸ-ի հետ կնքած և 09.12.2021թ-ին ժամը 00:00-ից մինչև 08.03.2022թ. SQ 387555 գործող ԱՊՊԱ պայմանագիրը:


«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության հանգամանքների առկայության դեպքում:

Այսինքն՝ դիմումատու արարելով բացակայում է «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 09.12.2021թ. կայացված թիվ 8180060988 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և պարեկային ծառայության Երևան քաղաքի գունդ:

Պետ,
նստիկանության գնդապետ՝



Ա. Ումրշատյան